

Na osnovu člana 17. Zakona o Savjetu ministara Bosne i Hercegovine ("Sl. glasnik BiH", br. 30/03 i 42/03) i člana 176. stav 5. Zakona o carinskoj politici Bosne i Hercegovine ("Sl. glasnik BiH", broj 57/04), Savjet ministara Bosne i Hercegovine, na prijedlog Upravnog odbora Uprave za indirektno oporezivanje, na ___ sjednici održanoj _____ 2005. godine, **d o n i o
j e**

O D L U K U

o postupku ostvarivanja prava na oslobađanje od plaćanja uvoznih dažbina na robu stavljen u slobodan promet za projekte obnove i rekonstrukcije

Član 1.

Ovom odlukom propisuju se bliže odredbe o postupku ostvarivanja prava na oslobađanje od plaćanja uvoznih dažbina za robu koja se stavlja u slobodan promet za projekte obnove i rekonstrukcije Bosne i Hercegovine prema članu 176. stav 3. Zakona o carinskoj politici Bosne i Hercegovine.

Član 2.

Pod pojmom "roba" u smislu ove odluke podrazumijeva se roba navedena u nomenklaturi roba Carinske tarife BiH

Član 3.

1. Radi korištenja povlastice iz člana 176. stav 3. Zakona o carinskoj politici Bosne i Hercegovine, korisnik povlastice, uz pismeni zahtjev, carinskom organu nadležnom prema sjedištu korisnika povlastice, podnosi:

- specifikaciju robe po tarifnim oznakama i naimenovanjima iz Carinske tarife BiH, uz označavanje količine, pojedinačne i ukupne vrijednosti, ovjerenu od strane resornog ministarstva BiH za projekte usvojene od strane Savjeta ministara BiH, odnosno resornog ministarstva entiteta za projekte za koje ih Savjet ministara BiH ili resorno ministarstvo BiH ovlasti,
- potvrdu Ministarstva finansija i trezora BiH da se projekat u cjelosti finansira od strane donatora ili od strane međunarodnih banaka za razvoj za projekte usvojene od strane Savjeta ministara BiH, odnosno potvrdu ministarstva finansija entiteta da se projekat u cjelosti finansira od strane donatora ili od strane međunarodnih razvojnih banaka za projekte za koje ih Savjet ministara BiH ili resorno ministarstvo BiH ovlasti,

2. Po zahtjevu iz stava 1. ovog člana nadležni carinski organ donosi rješenje u roku od 15 dana od dana prijema zahtjeva.

Član 4.

Carinski organ iz člana 3. ove odluke vodi evidenciju o korisnicima, vrsti, količini i vrijednosti opreme uvezene prema članu 176. stav 3. Zakona o carinskoj politici Bosne i Hercegovine.

Član 5.

1. Oprema uvezena uz oslobađanje od plaćanja uvoznih dažbina prema članu 176. stav 3. Zakona o carinskoj politici Bosne i Hercegovine, ne smije se, bez prethodne pismene obavijesti carinskom organu iz člana 3. ove odluke o tome i prije izvršenja obračuna i plaćanja odgovarajućih uvoznih dažbina, prodati, posuditi, dati na upotrebu drugom, dati u vidu garancije, iznajmiti ili prenijeti kao osiguranje za druge obaveze,

2. U slučaju nastupanja okolnosti iz stava 1. ovog člana, obračun uvoznih dažbina obavlja se po stopi koja se primjenjuje na dan nastupanja tih okolnosti, a na osnovu vrste robe i carinske vrijednosti koju je na taj dan utvrdio ili prihvatio nadležni carinski organ.

3. Carinski organi imaju ovlaštenje da preduzimaju sve potrebne mjere kako bi se osiguralo da se roba koja je stavljena u slobodan promet uz oslobađanje od plaćanja uvoznih dažbina po osnovu člana 176. stav 3. Zakona o carinskoj politici Bosne i Hercegovine, ne koristi u druge svrhe od onih za koje je oslobođena, bez plaćanja odgovarajućih uvoznih dažbina.

Član 6.

Danom stupanja na snagu ove odluke prestaje da važi Odluka o postupku ostvarivanja prava na oslobađanje od plaćanja carine za robu stavljenu u slobodan promet za projekte obnove i rekonstrukcije ("Službeni glasnik BiH", broj 14/01).

Član 7.

Zahtjevi za oslobađanje od plaćanja uvoznih dažbina po osnovu obnove i rekonstrukcije zaprimljeni nakon početka primjene Zakona o carinskoj politici Bosne i Hercegovine ("Sl. glasnik BiH", broj 57/04), a koji do primjene ove odluke nisu riješeni, rješavat će se u skladu sa odredbama ove odluke.

Član 8.

Ova odluka stupa na snagu osmog dana od dana objavljivanja u "Službenom glasniku Bosne i Hercegovine".

**Predsjedavajući
Savjeta ministara BiH**

Adnan Terzić, s.r.

Broj: _____

Dana, _____